

# Biasiswa Pendidikan Tahfiz KUIS Lahirkan Para Huffaz Cemerlang

Kolej Universiti Islam Antarabangsa Selangor (KUIS) menawarkan program Diploma Tahfiz al-Quran Dan al-Qiraat dan Ijazah Sarjana Muda al-Quran dan al-Qiraat (Kepujian) telah memulakan pengambilan kumpulan pelajarinya yang pertama pada sesi Mei 2002, setelah mendapat kebenaran secara rasmi untuk mengendalikan kursus daripada Lembaga Akreditasi Negara (LAN) dan Jabatan Pendidikan Swasta. Kewujudan Jabatan Tahfiz al-Quran & al-Qiraat telah membuka peluang kepada semua pelajar lepasan Sijil Pelajaran Malaysia (SPM) dari seluruh Malaysia khususnya rakyat Selangor untuk menceburi bidang menghafaz al-Quran dan mendalami ilmu-ilmu yang berkaitan dengannya termasuklah ilmu Qiraat.

Oleh: **Halim Bin Mokhtar**  
Penolong Pendaftar Kanan,  
Bhg. Pengurusan Korporat KUIS  
halim@kuis.edu.my

Program ini dirancang bagi menyediakan graduan yang berdaya saing, berkemahiran dan berkecakupan dalam bidang al-Quran dan al-Qiraat bagi memenuhi keperluan semasa dan tanggungjawab umma bagi membolehkan para pelajar menghafaz al-Quran dengan baik dan sempurna, di samping memahami secara mendalam tentang semua ilmu yang berkaitan dengan al-Quran dan al-Qiraat serta cabang-cabang ilmu yang berkaitan dengan keduanya. Perlaksanaan sistem Talaqqi dan Musyafahah yang diamalkan oleh para ulama terdahulu serta pembela-

jaran berbentuk kuliah, syarahan dan tutorial, para pelajar akan dapat menjadi Huffaz al-Quran yang cemerlang.

Bermula tahun 2015 semua pelajar tahfiz KUIS telah menerima biasiswa pendidikan Negeri Selangor di bawah Tabung Pendidikan Tahfiz Al Quran Wal Qiraat KUIS. Tajaan biasiswa terbuka kepada warganegara Malaysia meliputi pembiayaan yuran pengajian, yuran penginapan dan wang saradiri. Mahasiswa pengajian tahfiz di peringkat Diploma dan Ijazah layak untuk menerima biasiswa ini. Disamping itu program pengukuhan sahsiah dan kepimpinan menjadi agenda utama di dalam pembangunan mahasiswa tahfiz di KUIS untuk melahirkan Da'i, Ulama dan Umara.

Pemberian biasiswa melalui Tabung Pendidikan Tahfiz di peringkat Diploma dan Ijazah akan memberikan

impak yang besar kepada Kerajaan Negeri Selangor Darul Ehsan sebagai sebuah negeri yang mengutamakan pendidikan rakyat dan bertanggungjawab untuk melahirkan para huf-

faz cemerlang demi tanggungjawab ummah dan menjamin kemakmuran negeri.

Dengan menjadikan KUIS sebagai HUB untuk melahirkan para huffaz yang mendapat pendidikan dan pengajian di peringkat diploma dan Ijazah membuktikan bahawa pembangunan insan merupakan agenda yang utama di dalam membentuk sebuah negeri maju. KUIS akan terus melahirkan lebih ramai para huffaz yang akan memelihara al-Quran yang dapat memberikan keberkatan kepada masyarakat dan negeri serta pembinaan negara Baladatul Tayyibatul Wa Rabbul Ghaffor.

Kini KUIS terus membuka peluang dan ruang kepada pelajar yang berminat untuk mengikuti bidang tahfiz untuk melanjutkan pengajian di KUIS. Pendaftaran bagi sesi November boleh secara on line atau boleh berhubung dengan Bahagian Pemasaran dan Komunikasi KUIS ditalian 03 89117072 atau layari laman sesawang [www.kuis.edu.my](http://www.kuis.edu.my). Semoga usaha ini sentiasa diberkati Allah. *Edisi*



Pembinaan Tahfiz di Quran Ehsan, Taman Tahir

